

密縣志卷十一

賜同進士出身候選知縣前國子監學正武進謝增

同纂

風土志

節序

正月元旦祀諸神及先祖尊卑以次相拜乃出賀節立春
家煖生菜謂之咬春七日起火神元宵祀神及先祖張燈
放花炮十六日男女出遊散百病二月三日祀文昌寒食
拜先塋封土祭奠清明插柳枝祀牛王穀雨畫符禁蝎端
陽薦角粽蒲酒二十八日起城隍士庶陳錢演戲六月六
日婦女結社具扇奉廣生祠中元拜奠於祖墓中秋薦月
餅重陽薦花燕麥十月朔祀土地拜奠於祖墓焚冥衣
長至拜賀同元旦臘八日作三石粥二十三日起用糖
除夕貼桃符守歲

農時

春正月立春農乃修田器雨水出糞于塲二月驚蟄春分
耕耨畢出上糞犁地三月清明及時雨麥苗勃發稻秧初
種稻出起化大耩高粱木棉穀雨乃耩植穀種芝蔴麥始
秀

夏四月立夏旱田耘草菜子成熟小滿十日麥盡登水田
耘草乃種植黍稷五月芒種及時雨乃耩晚穀於麥田種
豆夏至晚田三四耘種晚黍稷於麥田六月小暑植穀高

梁咸吐穗稻田亦秀芝蔴出槩子大暑大雨時行穀苗勃發黍稷吐穗晚田咸秀中伏種蕎麥菜子

秋七月立秋木棉吐花植穀成熟高粱黍稷皆先登豆田出茨子處暑水稻登場八月白露及時雨上糞犁麥地晚田成熟打穀忙蕎麥乃出槩子秋分豆田成熟九月寒露種宿麥木棉乃收霜降蕎麥始登子場

冬十月立冬小雪雜糧咸入于圈圃乃泥封園蔬入窖犂查地十一月大雪冬至農事畢填牛羊圈積糞土以貯來歲之用十二月小寒臘雪布于野則蝗蝻入地宿麥盤根大寒新酒初熟乃碾穀米以備春耕

穀種

密縣志卷十一 風土志 農時穀種

二

一曰粟穀卽小米有黃白二種早種爲植穀三月下旬構種六月上旬吐穗七月上旬成熟約一百二十日收穫晚種爲晚穀五月中旬構種六月下旬吐穗八月上旬成熟約百日收穫凡穀多作飯一曰酒穀亦稱小黃米止一種早晚同粟穀凡酒穀多作酒亦作飴糖一曰黍米亦稱大黃米止一種四月中旬構種六月上旬吐穗七月上旬成熟約八十日收穫凡黍米多作酒一曰稷米有黎黑二種早晚同黍米凡稷米多蒸饅一曰稻米卽大米止一種三月中旬栽種六月中旬吐穗八月中旬成熟約一百五十日收穫凡稻米多作飯一曰小麥有紅白二種紅麥多白麥少九月初旬構種四月初旬吐穗五月初旬成熟約二

百四十日收穫凡小麥多作麵一曰大麥止一種早晚同
小麥凡大麥多作麵一曰蕎麥止一種六月中伏耩種八
月上旬出粟子九月上旬成熟約七十日收穫凡蕎麥多
作麵一曰高粱有黑白紅三種三月初旬耩種六月上旬
吐穗七月上旬成熟約一百二十日收穫凡高粱多作酒
亦蒸饅一曰黃豆有大小二種五月麥後耩種七月中旬
出莢八月中旬成熟約一百日收穫凡黃豆多作麵及豆
腐一曰黑豆止一種早晚同黃豆凡黑豆多飼馬一曰綠
豆止一種多作涼粉一曰小豆一曰豇豆一曰豌豆多作
飯包饅凡綠豆小豆早晚同黃豆凡豇豆早晚同穀豌豆
早晚同大麥一曰芝蔴有黑白二種三月下旬耩種六月
中旬出粟子八月上旬成熟約一百二十日收穫凡芝蔴
多作油凡地兩年三收凡水地種稻一年一收凡雨澤愆
期大田遲悞不得已乃種蕎麥以補缺乏大率民間常食
以小麥麵粟米爲主以黃豆及雜糧佐之其大者飯俗所
珍惜以供賓祭之需非常食所用至高粱蕎麥則不堪久
貯云

密縣志卷十一 風土志 穀種

物產

薊栢 瑇瑁之玉

山海經敏山卽七敏山上有木焉其狀如荆白花而赤實名曰

薊栢服者不寒其陽多瑇瑁之玉

駢雅云沙棠不沈思備不腐女貞不凋薊栢耐寒

鉄 美石 青堊 猿草

山海經大騶之山其陰多鉄美石青堊有草焉其狀如猿而毛青花而白實其名曰猿服之不夭可以已腹病圖贊云大騶之山爰有萃草青花白實食之無夭雖不增齡可以窮老

亢木 蛇 少辛

山海經浮戲之山有木焉葉狀如樗而赤食名曰亢木食之不蠱東有谷曰蛇谷上多少辛註谷中出蛇故以名之少辛細辛也

陶潛讀山經詩丹木在何許迺在崧山陽黃花復朱實食之壽命長白玉擬李液瑾瑜發奇光豈伊君子實見重我

密縣志卷十一 風土志 物產

四

羲皇

玉膏

山海經崧山之上丹水出焉中多玉膏其源沸沸湯湯黃帝是食玉膏所出五色乃清五味乃馨

文石

晉書杜預遺令集消水自然文石以為家藏不勞工巧

上水石

出上水洞洞底有坑水漏其內緣而上復滴而下居人用以飲蜂又謂飲蜂石雲岩亦有

按濬縣志上水石能使水上逆質甚玲隴可供清玩

粉土

出超化西岡掘井丈餘得之盡以土實之不數年仍化粉
土外省人呼爲超化粉凡塑神像必以此傅面有生色

煤

開鑿非至數十丈不得往往有工費數月而頓棄者貧者
或藉以富而富者亦因以致敗固非王孫程鄭鉄冶比矣
山氓無田每借開鑿餬口然時而遇水遇火傷人亦多

萇楚

詩檜風隰有萇楚

埤雅萇楚鈹芑今羊桃也白華子如小麥其葉與實皆似
桃故有桃之號也

何首烏

密縣志卷十一

風土志
物產

五

中州雜俎舊傳生獄中者良今已無有惟山間有之大者
亦不易得聞劓之者呼何先生何在佯答曰在此則舉鋪
而得亦神矣哉

雲桑

中州雜俎云雲桑生密縣山野中其樹枝葉皆類桑其葉
如雲頭花紋如木藥葉微潤開青細黃花其葉味微苦能
救飢燥熟換水浸淘去苦味油鹽調食或蒸晒作茶尤佳

桑

葉可蠶皮可紙葢可食杖可爲農器惟杖之利爲多

冬桃

中州雜俎密縣有一種冬桃夏花秋實八九月間桃自開

其核墮地而復合肉生滿其中至冬而熟味如洪上銀桃而加美亦異品也

地黃苗

地黃本出懷慶藉泐水灌溉性故純陰而下沉也其苗實產于密懷人購而植之

金銀花

鮮者香味甚佳山中種植者多頗獲利

鴛鴦花

花實雙開雙結如朱櫻可食

小藍靛

出超化蒜後栽秧八月成熟色最鮮明

密縣志卷十一 風土志 物產

六

蒜

黑鬚大瓣者爲上白皮者次之紅者爲下以產超化者佳爲利甚普鄰境多取資焉

香鼠

周櫟園書影予鄉密縣西山中多香鼠較凡鼠頗小死有異香蓋山中之鼠多食香草亦如獐之有香臍也山中人得則置篋笥中經年香氣不散

中州雜俎產開陽山周圍三里內樵牧者偶遇之不能多得經人行之路則抱蒿莖棘枝而死

字典密縣雪霽山出香鼠長寸餘齒鬚異其香類麝過入路則死

紅鶴

中州雜俎大如舒雁羽白而竊朱聲最濁食魚巢樹疑漢朱鷺即此也

鴝鵒

類大雛鷄羽黑喙足赤養之亦馴俗以其鳴聲呼之

醉魚

中州雜俎云溱洧水清有魚數種土人不善施網罟冬積柴水中爲深以取之以搗澤蓼雜大麥撒深潭中魚食之輒死浮水上可俯拾久之復活謂之醉魚

蜂蜜

養蜂者多故蜜亦賤

密縣志卷十一 風土志

物產

七

棉紬 繭紬

出繭多而工作少製不甚佳絲皆售于客販

瓷器

土人開土建治設滑爐以陶瓷器如缸甕罈罐之類皆果止供農家之用

按物產祇錄經籍所載及本地專產并擅其利者餘皆從節

昏娶

一曰行聘媒妁之言既通擇日婿家具啟遣使送庚帖爲懇親女家回啟送庚帖爲允親各具筵款客婿家以紬綾首飾壓啟女家用文房四寶壓啟貧戶則以錢代之一曰

請期標梅伊邇婿家乃請婦翁及媒妁款宴名曰吃會合
婿出拜見焉婦翁歸乃備奩具婿家亦爲新郎新婦製衣
一曰親迎吉期既屆擇尊長者引婿盛服往更有娶女客
二人至婦家爲婿披紅簪花婿陳菓品爲主人祭其先祖
祭畢主人設饌宴婿宴畢送女登輿婿前導送女客隨于
後入門以草節錢果撒之謂之撒喜中庭設香案同拜天
地然後爲新人梳粧送入洞房奩具豐者先期送薄者卽
夕行次日女家送酒席謂之送飯其族親男女同來謂之
送飯客親友俱來賀喜三日新人梳粧拜竈次祖廟次舅
姑次及所親遍拜焉第四日新郎同新人至女家拜岳父
母并族親飯畢偕返第六日女家接新人歸寧至十二日

送回

喪葬

親初沒孝子被髮跣足哭踊無數子婦亦然每日三次進
饌如事生禮三日乃殮門糊白紙行成服禮親友各具香
楮弔每七日必奠四七大奠百日亦然或踰月葬或踰年
葬屆期豫請大賓禮賓開弔曰禮賓以吉服往行家奠禮
每日行朝夕奠禮有弔者哭而謝之葬之前一日行遷柩
禮又行朝祖禮又行辭靈禮至期大賓排執事以吉服往
行告主禮孝子行起靈禮又行遣奠禮先聘土官祀后土
大賓詣題主棚題主孝子行成主禮大賓行安主禮親友
行安主禮然後下葬安誌銘窆帛表墓門以土實之孝子

奉主至家行虞祭禮三日詣墳祭四七日亦然

習尚

密邑地瘠民貧四民各勤其業一曰士性多謹愿勤于誦讀無鬻凌浮靡之習有地之家入則橫經出則負耒其貧無地者設館授徒常聚至數十人而館穀甚微士人婦女皆甘荆布捺井曰亦佐田事一曰農忙則男耕女饁暇則男糞女織出作入息不遑他務田禾熟時婦女割刈一如男子終歲勤動鮮輟耕游惰之人其饒確之地不能耕者以種植爲業多收果核卽屬有年是又不以禾黍豐凶爲利病也一曰工民生谿谷氣性淳龐目不覩奇技淫巧故工匠頗拙其治尋常器用外惟織棉繭紬陶黑瓷創煤採

寧縣志卷十一

風土志

喪葬習尚

九

石無他雜藝一曰商民性戀土不善貿利市鎮交易抱布握粟而退近惟煤蒜桑杖金銀花利稍多然皆售於遠客未嘗服賈牽車其操奇贏網市利者皆外來之人大者則鹽當二商城中行鹽官店一鄉鎮子店三十有六當則僅大隗鎮一座而已其風俗急公義樂輸將從無逋糧尤崇儉朴務節省布衣糲食率以爲常屋宇多草房土垆富者用磚瓦器用皆瓦缶荆筐富者用磁竹宴客止鷄豚餽送惟果蔬婚喪之家同里皆効奔走肩輿抬重亦不雇覓謂之帮忙貧人不免傭工然不肯鬻人爲奴亦可見風俗之厚廉恥之尚焉

里諺

歲 牛頭鼠尾嘆如何轉過兔年笑呵呵羊馬年廣收田
防備鷄猴那二年定屢年之豐凶 一年兩頭春黃牛貴似金

四季不要甲子雨

正月 七穀八黍十收麥定一年之收成 鄉下老兒且休舞立

罷春還冷四十五

二月 桑潤條麥潤苗 清明前後鬥鷄走狗 春分在

社後斗米換斗豆

三月 麥收三月雨還要當年湯 三月不壓場麥子土

裏揚

四月 三月怕三七四月怕初一三七初一都不怕只怕

四月十二下濕了老鸛毛麥子水裏撈

密縣志卷十一 風土志 里諺

十

五月 鋤頭有水杖頭有火 麥到芒種生也割熟也鐔

麥子上了場閨女去賸娘 收穀不收穀單看五月二十

六俗謂是日係穀生日有雨則熟 五月大瓜果結不下五月小瓜果喫

不了

六月 頭伏蘿蔔末伏芥中伏以裏種白菜 有錢難買

五月旱六月連陰喫飽飯

七月 天河南北孩不跟娘睡天河掉角潑飯豆角天河

東西收拾冬衣 處暑不露頭只中割喂牛言種晚不收也 得

了七月節夜寒白日熱

八月 秋風涼光棍着了忙 秋分栽蒜寒露種麥 八

月十五雲遮月防備來年雪打燈

九月 參中種麥背中拜節 重陽不雨看十三十三不雨一冬乾

十月 參落地不凍有子只管種 今年下琉璃明年喫

稠裹霰結冰絲
日琉璃

十一二月 一九二九不出手三九四九凌上走五九六

九沿河看柳七九六十三行人路上把衣寬八九七十二

貧兒爭意氣九九八十一讀平聲黃牛遍地犁

方言

父曰爹母曰娘祖曰爺祖母曰奶奶曾祖曾祖母加老字
高祖以上加老祖二字伯父母曰大伯大娘叔父母曰叔
嬸子父之姊妹曰姑其婿曰姑夫祖之姊妹曰姑奶奶其

密縣志卷十一 風土志 方言

婿曰姑爺妻曰媳婦亦曰袖子子曰兒子亦曰孩子媳曰

兒媳養媳曰童養女曰閨女亦曰妮兒曰哥弟曰第幾的

姊曰姐姐妹曰妹子數

母之父母曰老爺老娘母之祖父曰老老爺老老娘母之

姑曰姑老娘其婿曰姑老爺母之兄弟曰舅其妻曰衿子

母之姊妹曰姨其婿曰姨夫母黨

妻之父母曰外父外母亦曰爹娘妻之兄弟曰舅子妻之

姊妹曰姨其婿曰姐夫亦曰一條纏妻黨

夫之父母曰公婆亦曰爹娘其稱于母家夫兄曰幾伯子

弟曰幾叔亦曰小叔姊妹曰幾姑幼者曰小姑餘俱從夫

稱加一俺字夫黨

弟稱師曰師傅師稱弟曰徒弟奴僕稱家主曰爺亦稱老
當家主母曰奶奶呼小主曰叔亦稱小當家小主母曰孀
子主之女曰姑曰姐卑幼稱尊長曰你老尊長稱卑幼曰
孩們稱人卑幼曰相公女喪夫曰牛臘人男無妻曰光身
漢男人曰爺們女人曰娘們兄與弟曰了們其妻曰妯娌
們雇工曰年作佃戶曰牛把雜稱

一讀藥 二讀良假切蓋兩 三讀沙 四讀為四 五讀卧 六讀七

濁音 字之轉音也 讀雀河 八平聲 九左合音 十苟 如今曰穰窩兒昔年曰每

良前日曰業前二日曰前前三日曰大前明日曰明後二
日日後後三日曰大後午時曰上午午前曰前半晌午後
日後半晌問做甚麼曰可惡曰可惡曰可惡冠平聲不拘怎樣曰憑

寧縣志卷十一 風土志 方言

嘎虛言曰雲彩話又曰雲我頭曰堤腦胸曰圪廊脛曰核
桃脫膽晝曰白哩夜曰黑地哩貧窮曰老飢荒可以支持
曰撐能幹曰老精糊塗曰迷瞪硬使性氣曰紅磚不諳事
情曰白脖富曰好家貧曰沒嘎大富曰財主極貧曰淨窮
病曰害哩死曰老了早飯曰清早飯午飯曰晌午飯晚飯
曰喝湯哩探親曰串親戚結友曰扒穀堆賣飯曰踏煤渣
牛曰偃虎曰老大雌虎曰老八牝貓曰女貓鳥曰蟲蟻蚓
曰除串促織曰數珠蟬曰螞螞小者曰蝸蝸蝗曰螞蚱雜語
五方言語異於文者如以乳為穀以鼠為璞是也異於音
者如以來為離以得為登是也異於文者少異於音者多
故南之清平北多讀作上聲南之上聲北反讀作清平

舌唇齒之間輕清重濁不同往往有音無字而方言隨處以別矣茲掇其異而可辨者著焉